

RESOLUCIÓN reitoral do 17 de setembro de 2025 pola que se publica a oferta dos obradoiros de extensión universitaria da Universidade de Vigo no primeiro cuadrimestre do curso 2025/2026 no Campus de Vigo.

En virtude do disposto na base 8ª da resolución reitoral do 3 de xullo de 2025, pola que se publica a convocatoria de axudas para organizar os obradoiros de Extensión Universitaria da Universidade de Vigo no primeiro cuadrimestre do curso 2025/2026, en virtude das facultades outorgadas pola Lei orgánica 2/2023, de 22 de marzo, do Sistema Universitario, esta reitoría

RESOLVE:

1. Establecer as condicións da matrícula de desenvolvemento dos obradoiros da Universidade de Vigo para o primeiro cuadrimestre do curso 2025/2026 (Anexo I).
2. Ordenar a publicación da oferta de obradoiros derivada do acordo da comisión de extensión universitaria e estudantes do 10 de setembro de 2025 pola que se aproban as propostas concedidas. (Anexo II).
3. Ordenar a publicación da oferta de obradoiros organizados pola Vicerreitoría de Extensión Universitaria, cuxos gastos serán aboados con cargo á aplicación orzamentaria 00EX 211ECUL 22606 (Anexo III)

O lugar de publicación da presente resolución realízase no taboleiro de anuncios electrónico da Universidade de Vigo <https://sede.uvigo.gal/public/bulletin/bulletin-index.xhtml>.

Contra esta resolución, que esgota a vía administrativa, poderase interpor recurso ante a xurisdición contencioso-administrativa, no prazo de dous meses desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpor contra esta resolución recurso de reposición, no prazo dun mes desde o día seguinte ao da súa publicación, ante o Reitor. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor

Por delegación R.R. do 30/05/2024 (DOG do 10 de xuño)

A vicerreitora de Extensión Universitaria

Susana Reboreda Morillo



OFERTA dos obradoiros de extensión universitaria da Universidade de Vigo no primeiro cuadrimestre do curso 2025/2026 no Campus de Vigo.

ANEXO I

Condições de matrícula nos obradoiros do 1 cuadrimestre do curso 2025-2026 no campus de Vigo.

- a) **Período matrícula:** do 22 de setembro ao 3 de outubro de 2025.
- b) **Criterios de selección:** por orde de inscrición ata completar o número prazas ofertadas.
- c) **Área de inscrición:** realizarase na plataforma “Campus Activo”: <https://campusactivo.uvigo.gal/>
- d) **Importe da matrícula** para cada obradoiro será:
 - Público xeral: 40 euros.
 - Colectivos A e B da comunidade universitaria: 26 euros
 - Colectivo C da comunidade universitaria: 32 euros(A pertenza aos colectivos da Universidade de Vigo pode consultarse no seguinte enlace: <https://secretaria.uvigo.gal/uv/web/normativa/public/show/551>)
- e) **Causa de cancelación dun obradoiro:** non acadar o número mínimo de inscricións especificado na táboa do Anexo II (70% do número prazas ofertadas)
- f) **Causas de devolución do prezo** da matrícula dos obradoiros, tras solicitude da persoa interesada, cando concorran algunha destas causas:
 - Cancelación do obradoiro ou modificación das datas de celebración, horario ou lugar.
 - Formalización da matrícula unha vez completado o número de prazas do obradoiro.
 - Comezo dunha relación laboral (acreditada co informe vida laboral).
 - Maternidade/Paternidade (acreditada con certificado médico/ certificado filiación).
 - Enfermidade que impida a asistencia ao curso (acreditada con certificado médico).
 - Aboamento dunha cantidade superior ao prezo do obradoiro como consecuencia de erros materiais ou de cálculo non imputables á persoa interesada. Neste caso devolverase a diferenza aboada en exceso.
- g) **Período e proceso de solicitude de devolución do prezo** da matrícula: as solicitudes de devolución consecuencia dos puntos do epígrafe anterior poderán presentarse dende o día seguinte a que se produza a causa que xustifica a devolución ata 15 días hábiles despois de finalizado o obradoiro en que fixera a inscrición.
Para iso, través da mesma plataforma de inscrición “Campus Activo” haberá que acceder a opción “solicitar devolución de taxas” cumprimentando o campo de número de conta bancaria na que se fará efectiva a devolución e achegando a documentación xustificativa.
- h) **Diplomas:** a Universidade de Vigo expedirá un diploma oficial acreditativo da asistencia de cada participante que seguise polo menos un 85% das horas totais do curso.
- i) **Recoñecemento de créditos ECTS:** o estudiantado da Universidade de Vigo poderá validar a realización dos obradoiros por créditos ECTS dentro da categoría de



actividades universitarias culturais. O recoñecemento farase a razón de 1 crédito ECTS por cada 30 horas.



ANEXO II

Nome do obradoiro	Lugar de celebración	Prazas ofertadas máximo	Prazas ofertadas mínimo	Duración	Data de inicio	Horario
Do imperio dos zares á Perestroika: dous séculos de literatura rusa	Edificio Redeiras	40	28	36 horas (33 presenciais+ 3 de traballo individual)	24 de novembro	24 de novembro, 2 e 3 de decembro de 17:30 a 20:30. 25, 26, 27e 28 de novembro, 4, 5, 9, 10,11, 12 e 16 de decembro de 18:30 a 20:30. 15 de decembro de 17:30 a 21:00.
Introdución ao deseño de pracas de circuíto impreso (*)	Escola de Enxeñaría de Telecomunicación. Aula T109	10	7	20 horas (18 presenciais+2 de traballo individual)	20 de outubro	20, 21, 27 e 28 de outubro de 15:30 a 20:00.
Introdución a LaTeX para o ámbito profesional e científico (*)	Escola de Enxeñaría de Telecomunicación. Aula T108	10	7	20 horas (18 presenciais+2 de traballo individual)	3 de novembro	3, 4, 5 e 6 de novembro de 15:30 a 20:00.
Autosuficiencia enerxética	ECIMAT	15	10	21 horas	11 de outubro	11 de outubro de 9:00 a 14:00 e 18 e 25 de outubro de 9:00 a 14:00 e de 15:00 a 18:00.
Iniciación ao mundo maker (*)	Escola de Enxeñaría de Telecomunicación. Aula T108	10	7	20 horas (18 presenciais+2 de traballo individual)	22 de outubro	22, 23, 29 e 30 de outubro de 15:30 a 20:00
Identificación de cogomelos nivel I	Facultade de Química Aula 24	16	11	30 horas	14 de outubro	14, 21 e 28 de outubro; 4, 11, 18 e 25 de novembro; 2, 9 e 16 de decembro de 16:00 a 19:00.
Identificación de cogomelos nivel II	Facultade de Química Aula 22	10	7	30 horas	9 de outubro	9, 16, 23 e 30 de outubro; 6, 13, 20 e 27 de novembro; 4 e 11 de decembro de 16:00 a 19:00.

(*) Precísase levar ordenador portátil propio.



ANEXO III

Nome do obradoiro	Lugar	Prazas ofertadas máximo	Prazas ofertadas mínimo	Duración	Data de inicio	Horario
Iniciación ao teatro (**)	Teatro da Cidade Universitaria	15	-	30 horas	13 de outubro	Os luns e mércores do 13 de outubro ao 1 de decembro de 16:15 a 18:15 h.
Aula de música tradicional Obradoiro de música e baile tradicional galego. (***)	Teatro da Cidade Universitaria	30	-	30 horas	14 de outubro	Os martes do 14 de outubro ao 16 de decembro de 15:00 a 18.00 h.
Agricultura orgánica. Deseño, planificación, implantación e manexo dunha horta orgánica.	FAC de CC do Mar. Aula 16 Bloque C 1º andar	15	10	30 horas	6 de outubro	Os luns do 6 de outubro ao 15 de decembro de 17:00 a 20:00 (o luns 8 de decembro non é lectivo)

(**) Para quen o desexe, continúa no segundo cuadrimestre con posta en escena.

(***) Obradoiro anual. Precísase levar instrumento (gaita, pandeireta ou tambor).

